

东郭记

东郭记

明·孙仁孺

●第一出 离娄章句下

〔西江月〕〔末笑上〕莫怪吾家孟老，也知遍国皆公。些儿不脱利名中，尽是乞墦登垄。长袖妻孥易与，高巾仲子难逢。而今不贵首阳风，索把齐人尊捧。

走东郭的齐人英雄本色，讪中庭的妻妾儿女深情。

隐於陵的仲子清廉腐汉，争垄断的王驩势利先生。

〔下〕

●第二出 人之所以求富贵利达者

〔破齐阵引〕〔生青袍儒巾扮齐人上〕高算已空赤县，孤踪尚困青齐。妾妇名流，兼金世界，说甚清廉道义。笑饿士西山无气色，大盗东陵有面皮，吾徒听不羁。

〔〔鹧鸪天〕落落男儿未有妻，只身犹尔滞全齐。世人无眼空谈笑，吾辈多才愈滑稽。

能变豹，会攘鸡，英雄那得效群黎？他年衣锦归来日，应使乡闾共口提。不佞齐人是也。昔为姜氏之齐，今为田和之齐，齐一变矣。未为富贵之人，且为饮食之人，我何人斯！普天下东西南北，乞食吹竽者，皆为咱四海兄弟；尽宇内秦楚燕韩，傍门依户者，共是俺一家友生。或在此，或在彼，真如千百万亿之化身；或在前，或在后，更似高曾祖祢之一派。未莫临淄之雁，久为即墨之鰥。吐气扬眉，是予后来之面目；垂头俯首，乃吾今日之神情。彼一时，此一时，君子亦有穷乎？尔为尔，我为我，丈夫当如此矣。由他笑骂，固自豪雄，死生只命一条。朋辈有齐庶士稷下淳于髡，滑稽多智。里中王子敖，谐媚能容。更有小友二人，合之是为四杰。相与

浪游街市，狂走尘埃。虽则一时暂安，恐非终身长策。不免待他每来时，再商出处。我想俺齐人如此抱负，不知何时发迹也。)

〔太师引〕待雄飞海内应无几，纵饥寒心宽体肥。奈枳棘凤鸾失势，尽榆枋斥鹳偏讥。道胸中奇奇异异，怎年来流离琐尾？笑不了时人口皮，分何年男儿吐气扬眉？

〔前腔〕把先齐豪杰还援比：钓竿儿飞熊渭涯，痛羈囚夷吾淹滞，笑牧竖甯戚寒微。一般儿相投鱼水，转眼的勋名俊伟。羨高风鸿逵可仪，一任俺齐人骥尾攀跻。

〔呀，却早二弟来也。〔扮淳于郿、王驩并衣巾上〕〕

〔一剪梅〕〔淳〕男儿未际叹无衣，空欲飞飞，那得飞飞？〔王〕更兼饥饿不胜啼，心事齐齐，人物齐齐。

〔〔相见介，生〕伯夷甘忍饥，商山歌《采薇》。

〔淳、王〕我辈病其隘，用是道相违。〔生〕二兄，我与你一贫如洗，日不聊生。聚首一隅，终非高见。不佞想起来，当今之日，贿赂公行，廉耻道尽，我辈用其长技，取富贵如拾芥耳。焉能郁郁久居此乎？〔淳、王〕

大兄言之然也。)

〔三学士〕〔生〕高节清风今已矣，英雄须识时宜。堪怜街上惟余我，更叹闺中未有姬。〔合〕念此青云须早致，免尘埃共笑嗤。

〔前腔〕〔淳、王〕自古贤豪从困起，吾济应此为期。而今跨下无完跂，他日街头着锦衣。〔合前〕

〔〔生〕俺可就此分袂前去，各自求取利达，毋贻朋友之羞。〔淳、王〕既然如此，俺二人就此分别。但大兄何以教我？〔生〕吾闻规小节者，不能成荣名。恶小耻者，不能立大功。惟去西山之面皮，乃有东陵之气焰耳。〔淳、王〕多谢大兄明教，俺每就此分别。〔相拜别介〕)

〔香柳娘〕望天涯奋飞，望天涯奋飞，相看短气。论先资，全在无廉耻。〔各拭泪介〕叹知交别离，叹知交别离，千里勉同驰，十年作归计。〔合〕盼夕阳已西，盼夕阳已西，相逢莫期，仓皇挥涕。

〔〔淳、王先下，生〕他二人已是分途前去，俺不免改换行装，变易衣服。执荆藜以前进，持筐筐而远行。

咳，这都是近来求富贵的机关也。（改乞恹介，扮二小齐人乞态疾走上））

〔前腔〕笑双双在齐，笑双双在齐，庸庸无济，有齐人兄长堪依倚。到如今傍谁？到如今傍谁？牛后我甘随，马腹兄何及？〔合前〕

（〔见生介〕兄长，亏你两三人丢了俺小齐人去也。

〔生〕兄弟，俺此去富贵，便来看你。好自珍重。（二小哭介）哥哥，俺两个是没用的花子，你去了决是饿死也。（生）舌在你口中，脚在你腿下，何处不得衣食乎？俺就此相别，你不索深悲。（二小）既如此，则索送大兄一程。（生二小并走介））

〔前腔〕为功名太急，为功名太急，衣裳变易，从教谳尽江湖味。执青青杖藜，执青青杖藜，一似狗恹恹，还愁龙也吠。（合前）

止为名利走山川，孤身分手各凄然。

丈夫会应有知己，悠悠俗态何足缠！（共下）

●第三出 少艾

〔忆秦娥〕〔旦、小旦艳妆扮二女上，旦〕人间少，双双姐妹红颜好。红颜好，幽居冷落，深闺空老。〔小旦〕奴年十五真真小，春光提着心儿晓。不堪花外，一声啼鸟。

〔回文菩萨蛮〕〔旦〕早来春恨双蛾扫，〔小旦〕扫蛾双恨春来早。〔旦〕莺语怪声声，〔小旦〕声声怪语莺。〔旦〕寂寥空丽色，〔小旦〕色丽空寥寂。〔旦〕肠断欲昏黄，〔小旦〕黄昏欲断肠。〔旦〕奴家齐之二女，先君姜氏之裔，不幸弃世之后，止留下俺姐妹二人，藉有余资，聊以度日。但奴年亦已十八，妹子正在三五，寂寞门庭，蹉跎岁月，如何是好？〔小旦〕姐姐，俺看王孙公子，结驷连骑，好不繁华。俺与姐姐适人，须是这般人儿方好。〔旦〕你所言正合我心。但俺门户荒凉，姓氏未著，恐富贵者不免弃之。惟择一孤穷而倜傥者，正自有富贵之日耳。妹妹你道如何？〔小旦〕然也。）

〔金落索〕〔旦〕婵娟体度娇，绰约姿容俏，姐妹相随，两下鸾凰杳。东风翠翹，步妖娆，三五年华尔正

饶。似俺蹉跎岁月人应老，兀的埋没容颜心转焦。何时好？叹青春十八暗中销。（背介）那能够秦楼凤箫，明河鹊桥，双双的鸾镜还同照？

（前腔）（小旦）闺中两寂寥，花下齐欢笑，只恐于归，不得同归了。看王孙富饶，斗奢豪，罗帕钿车陌上挑。他纤秾玉貌应非少，我窈窕柔姿只自娇。何时好？叹青春并姐暗中销。（背介）那能够萧郎共招，牵牛共邀，翩翩的吉士还偕老。

（旦）妹妹，虽则如此，所为归妹愆期，迟归有时，俺则索等待时来便了。）

（刘泼帽）愆期归妹终须好，算三星可待非遥。夭桃看取佳期早，标梅会有冰人巧。

（小旦）姐姐，圣人云：二女同居，其志不同行。似俺姐妹相得，又未必然矣。（旦）妹妹，你若有此心情，我与你共适一人何如？（小旦笑介）

（前腔）同居二女归期邈，冀同心鸪鹊双巢。大姨应得谋苹藻，小姨聊可同綦缟。

姐妹虽同居，所志不同行。

我愿不为此，效法在皇英。（共下）

●第四出 井上有李

（〔小生高巾破衣扮陈仲子上〕吾友夷齐在首阳，只今留得姓名香。滔滔浊世谁堪比？仰止高风去故乡。小生陈仲子是也。齐君不义而窃国，齐人无耻以成风。举一国之人若狂，即仲子之兄不免。是以甘心于遁，易姓为陈。偕隐同志之妻，卜居於陵之地。因辟地以辟兄，颇有同清之望；因辟兄以离母，时怀陟岵之思。室人辟纊，小生织履。万钟如屣，远违朝市之风尘；千乘可捐，清掬潇湘之日月。近来捆履不足，织作无余，因之饿以三旬，不复能为一饱。耳目若丧，闻见如无，只索强捱几步。虽然饿死道旁，俺廉士甘心也。）

〔北脱布衫〕避红尘霞韵清孤，坐青山云骨萧疏。弄白石迹寄樵渔，倚苍松游同豕鹿。

〔小梁州〕觑他每尽日营营走秽途，泛泛如凫，争趋显者似奴仆。全无骨，应自愧妻孥。

（〔么〕俺因此呵，）孤身独自奔荆楚，卜於陵此

地堪居。谢狂且，离兄母，偕来室子，老死在吾庐。

〔上小楼〕饮河偃鼠，无过满腹。俺可也女执懿筐，自鬻芒鞋，饮食些须。常则是夫妇每为农学圃，昔日箕颖辈也于斯得趣。

（呀，十分饿得紧了，可将何物疗饥乎？）

〔么〕俺待要吸霜华，饮露濡。乘云气，凌碧宇。当不得这枵腹空虚，两眼糊涂，两足趑趄。况又这於陵并没却田几亩，何来稻黍？夷齐兀的死山墟，陈仲子谁人及汝？

（呀，俺耳目虽昏，鼻中颇闻香气。莫不是天公未绝廉士也？只索向前去着。〔匍匐介〕）

〔耍孩儿〕鼻中香气来何处？敢天帝心怜予苦？神农虞夏忽焉徂，怯书生愿与为徒。黜聪为厌谈谐聒，不见随他伎俩殊。我神凝注，清芬自合，俗物还逋。

（呀，这却是井边也。井边复有何物乎？）

〔五煞〕问清流何物乎？井中蛙，士大夫，总来不挂巢由目。烟风萝月无烦买，流水高山味可咀。他来脉儿深堪取，清清似我，淡淡如余。

（呀，上边乃有一果乎？此非不义之物，可以尝之。
〔作尝介〕原来却是一李。李呵，陈仲子于足下有缘，
暂屈尔于清人之腹矣。）

〔四煞〕怜予苦似渠，井栏香若敷，须知此物非周粟。一时酸涩喉三咽，数口清甘体半舒。这滋味全无，俗人之所弃，取不为污。

（呀，可可耳有闻，目有见也。谁知俺廉士之命，竟生于一李乎？〔视井介〕呀，这井上却有螾虫在上。螾呵，得罪了。）

〔三煞〕嘱伊螾休怪吾，非是咱夺汝余，偶然昏愤叨卿俎。黄泉不免惭蚯蚓，竹实应堪比凤雏。况与汝同斯土，乡邻之义，空乏应需。

（俺不免入告细君，免其忆念。我想仲子有如此之遭逢，可知天生廉士，不偶然也。）

〔二煞〕报与他美且都，这夫君可偶无，天生廉士超今古。蛾眉既使予心醉，螾食还将我口糊。这都是天张主，野人之味，隐士家蔬。

〔煞尾〕静玩楚天霞，闲成山泽馱，看潇湘云梦还

吞吐。想着我清操，只一片首阳山石可语。

●第五出 则将搂之乎

〔绕池游〕〔生衣巾上〕浪游曲径，踪迹真无定，为功名四方驰骋。资斧萧然，穷途清冷，叹英雄时兮未乘。

（四海无家只浪游，飘零却似水东流。男儿苦没资生策，长啸尘中何处求？齐人散群以进，望贵而投，命之未亨，其人不遇。思量俺资斧既乏，即次未定，只索觅一人家，暂为逆旅，庶可以营求富贵，守我些须。趁步行来，又是这般幽径也。）

〔金井水红花〕四海寻姬媵，三齐谁舅甥？听伐木响丁丁，鸟嚶鸣友声相应。怎似俺孤身逆旅，未得叶秦盟。叹吾侪枉一生也翊！朱唇玉貌，弱骨丰肌，蕙质兰心，知何日双双照镜？想那巫臣窃夏，总是齐人此行。便那宋郎艳孔，何异齐人此情。从来游侠，偏有红妆兴。
〔暂下〕

〔绕池游〕〔旦素妆上〕齐姜本姓，采采参差荇，叹时光柳残花剩。一种柔肠，数年愁病，怪容颜春来瘦生。

（愁来频蹙两眉尖，总为春风相滞淹。幼女未知心下事，朝朝强我看银蟾。奴家姐妹孤穷，婚姻未定。此径从无人迹，只索强行几步，以消闷怀。俺妹子年儿弱小，兀自独守闺中也。）

〔金井水红花〕吉士人何在？齐姬心早萦。听芳树语仓庚，愧吾生关关不应。甚日得良人雄俊，相与叶鸾笙？枉教人泪偷零也翊！亲亲未遇，妹妹娇痴，姐姐情深，因此上独来幽径。想那夷光困守，何异咱每此情。想那陶朱闲访，未必他每此行。从来淑女，偏苦红颜命。

（〔生上见介〕慢道齐东野，真成越苕萝。小娘子拜揖。〔旦〕客官万福。〔生背介〕我齐人今日遇仙也。）

〔玉胞肚〕齐人煞幸，陡相逢西家美英。乍惊他环佩珊珊，还看他罗袜盈盈。趋前便欲问卿卿，可是瑶台旧有名？

（〔旦背介〕是何方俊雅，偶然一盼，便尔踟蹰？天下有此多情之士。）

〔前腔〕郎君可敬，负昂藏丰姿性成。觑着他顾盼徐徐，还兼他襟带青青。狂童狂也太多情，有女怀春我

未曾。

〔（生向前介）小娘子何方居住？岂非齐之姜乎？

〔旦〕妾身姐妹二人，先君姜氏之裔。〔生〕果然名族，小生何幸得逢我卿。敢问小姐已许人否？〔旦〕妾已十八，尚未字人。〔生〕卿既无家，我亦未室，倘小姐不弃，愿言偕老。意下何如？〔旦〕君实英雄，妾非淑女，幸缔姻好，实愧我心。〔生〕何言之谦也。小生明日便当央媒纳采，幸勿鄙我，或有后言。〔旦〕君子，俺家便在此径中，不越数步是也，愿毋遐弃之耳。〔生〕小生怎敢！）

〔前腔〕聆音细省，俏喉咙声声可听。看烟光织柳成丝，又东风剪草齐萦。桃花回首不胜惊，那得逢仙忘世情。

〔前腔〕〔旦〕相逢一顷，早教人心怀暗倾。动离愁是落花风，送春归有子规声。擘梅岂敢负深盟，君若归妻须迨冰。（夕阳遑西，就此告别。〔生〕敬当遣聘，愿俟佳期。）

〔尾声〕一时便把红鸾订，〔旦〕愧没琼瑶尔赠，

〔合〕他日还当枕上盟。

〔旦〕幸妾姻缘却还未，〔生〕何殊范蠡来诸暨。

〔合〕此身既已许君家，便复同行不相讳。〔别下〕

●第六出 齐东野人之语

〔西地锦〕〔扮公行子、东郭氏、尹士，各深衣幅巾上〕稷下素夸佳胜，齐东况聚名卿。清谈妙论堪人听，看喙长三尺偏称。

〔田骈、慎到舌锋长，长在齐东辟讲堂。自是窃将余论好，共挥玉麈任荒唐。〔公〕不佞临淄公行子是也。

〔东〕不佞东郭氏是也。〔丑〕小生尹士是也。〔公〕俺与东郭先生读礼多闻，清谈少憩。俺这齐东稷下，向来是田骈、慎到、惠施、公孙龙一班儿群聚高谈。喜的这尹先生正乃及门高足，今日约同开讲，看有甚人来听也。〔淳于髡上〕）

〔番卜算〕口舌已天成，绪论还窃听。〔王驩上〕试来庄岳拜先生，学取些儿佞。〔〔撞遇介〕呀，却是淳于兄。〔淳〕子敖，俺与大哥三人别后，不想又会于此。〔王〕小弟闻得此中士大夫讲学，特来一听。〔淳〕俺亦为此而来。如此一同进见便了。〔进见介，公〕二君何来？〔淳〕小生淳于髡，这是契弟王子敖，久慕诸公高论，敬此窃听余谈。〔东〕野人鄙论，窃愧大方。